

YMDDIRIEDOLAETH ELUSENNOL YNYS MÔN	
PWYLLGOR	YMDDIRIEDOLAETH ELUSENNOL YNYS MÔN
DYDDIAD	27 Mehefin 2018
TEITL YR ADRODDIAD	Menter Môn – prosiect LEADER
PWRPAS YR ADRODDIAD	Ystyried cais gan Menter Môn i newid y defnydd a wneir o ddyraniad a gymeradwywyd
ADRODDIAD GAN	Trysorydd – Ymddiriedolaeth Elusennol Ynys Môn
GWEITHREDU	Ystyried y cais a phenderfynu a ddylid derbyn y cais i newid defnydd.

1. CYFLWYNIAD

- 1.1. Ym mis Ionawr 2018, cytunodd Ymddiriedolaeth Elusennol Ynys Môn i ddyrannu swm o £191,438 i Menter Môn fel cyllid cyfatebol mewn perthynas â chyllid Ewropeaidd a chyllid Llywodraeth Cymru fyddai'n caniatáu i'r prosiect Leader barhau tan fis Rhagfyr 2021.
- 1.2. Ym mis Ebrill 2016, argymhellodd y Pwyllgor Adfywio fod yr Ymddiriedolaeth yn dyrannu grant mawr o £50,000 i Menter Iaith Môn i gynorthwyo i gyflawni amcanion Strategaeth Iaith Gymraeg yr Ynys.
- 1.3. Ym mis Chwefror 2018, cyflwynodd Menter Iaith Môn gais pellach am swm ychwanegol o £100,000 er mwyn parhau â'r gwaith. Wrth ddyrannu'r grantiau mawr yn 2018, penderfynodd yr Ymddiriedolaeth ar 12 Rhagfyr 2017 fel a ganlyn:-

“Gall sefydliadau sydd wedi derbyn cymorth ariannol yn y pum mlynedd flaenorol wneud ceisiadau ond ni fydd ceisiadau o'r fath yn cael eu hystyried tan y bydd yr holl geisiadau eraill wedi cael sylw ac ar yr amod bod cyllid yn dal i fod ar gael.”

- 1.4. Wrth ddyrannu'r cyllid oedd ar gael ar gyfer grantiau mawr yn 2018, dyrannodd y Pwyllgor Adfywio'r holl gyllid oedd ar gael i ymgeiswyr newydd ac, o ganlyniad, nid oedd cyllid ar ôl ar gyfer ceisiadau gan sefydliadau oedd wedi derbyn cyllid yn ystod y pum mlynedd diwethaf. O ganlyniad, ni ddyfarnwyd cyllid ychwanegol i Menter Iaith Môn.

2. CAIS I NEWID DEFNYDD

- 2.1 Mae Rheolwr Gyfarwyddwr Menter Môn wedi cysylltu â Swyddogion yr Ymddiriedolaeth i fynegi ei siom â'r penderfyniad i beidio dyfarnu cyllid ychwanegol i Menter Iaith Môn, er ei fod yn deall y rhesymau tu ôl i'r penderfyniad.
- 2.2 O'r herwydd, mae Menter Môn wedi cyflwyno'r cais a ganlyn (gweler y llythyr ynghlwm yn Atodiad 1).

3. Y PENDERFYNIAD Y MAE'N RHAI D I'R YMDDIRIEDOLAETH EI WNEUD

- 3.1 Ystyried y cais a phenderfynu a fydd yr Ymddiriedolaeth yn caniatáu trosglwyddo £25,000 o gyllid o'r prosiect Leader er mwyn ei ddefnyddio ar gyfer prosiect Menter Iaith Môn.

Dr. Gwynne Jones
Ysgrifennydd Ymddiriedolaeth Elusennol Ynys Môn
Cyngor Sir Ynys Môn
Swyddfeydd y Cyngor
Llangefni
Ynys Môn
LL77 7TW

Mehefin 8fed 2018

Annwyl Gwynne Jones

Cais Menter Iaith

Ysgrifennaf atoch parthed cais y Fenter Iaith cafodd ei gyflwyno i'r Ymddiriedolaeth Elusennol yn ddiweddar. Cafodd y cais am £100,000 dros dwy flynedd ei wrthod ac yn amlwg rydym yn siomedig, ond hefyd yn parchu y penderfyniad.

Mae'r Fenter Iaith yn gwneud gwaith pwysig ac yn cydweithio'n agos gyda Cyngor Sir Ynys Môn a eraill er mwyn ymgynhyrchu a amcanion strategol y Fforwm Iaith Strategol. Mae'n derbyn grant gan Llywodraeth Cymru ond mae angen denu arian cyfatebol. Dros y dwy flynedd diwethaf derbyniwyd £50,000 gan yr Ymddiriedolaeth sydd wedi cyfrannu at gynnal swyddi a gweithgareddau (gweler adroddiad blynyddol). Fel mae pethau yn sefyll bydd angen diswyddo aelodau o'r tîm.

Nid apelio yn erbyn y penderfyniad yw bwriad y llythyr yma. Dwi'n derbyn bod y penderfyniad wedi ei wneud a bod yr arian wedi ei ddosrannu.

Mae datrysiaid arall yn bosib ond ni allwn ei wneud heb ganiatad yr Ymddiriedolaeth, fel a ganlyn:

Bod Menter Môn yn cael caniatad i ddefnyddio £25,000 (o gyfanswm o £191,000) cafodd ei glustnodi ar gyfer LEADER at ddibenion y Fenter Iaith dros y flwyddyn nesaf. Gallaf weld fod hwn yn gais anarferol ond at ei gilydd credaf fod y budd i'r Fenter Iaith yn fwy na'r golled i LEADER. Bydd hyn yn rhoi cyfle i'r Fenter Iaith ymgeisio am gyllideb o ffynhonnellau eraill yn y cyfamser, a chyflwyno cais newydd i'r Ymddiriedolaeth yn 2019.

Os bydd yr Ymddiriedolaeth yn cytuno i'r newid bydd gofyn i LEADER godi £25,000 fel arian cyfatebol trwy ei gynlluniau o ffynhonnellau amgen, sef £5,000 ar gyfer pob thema dros 3 blynedd. Credaf fod hyn yn gyraeddadwy ac na fydd goblygiadau ar swyddi.

Os nad yw hyn yn bosib plis gadewch i ni wybod. Mae'r grant cyfateb LEADER yn greiddiol bwysig i ni, a byrdwn y llythyr hwn ydi bod Menter Môn yn gorfod addasu i bob tro a newid a ddaw yn ei dirwedd cyllido fel mae'n codi. Credaf fod hwn yn ddatrysiaid synhwyrol mewn ymateb i newid mewn sefyllfa ariannol.

Dwi'n hapus darparu rhagor o fanylion neu mynychu cyfarfod o'r Ymddiriedolaeth i egluro ymhellach os bydd angen.

Yn gywir

Dafydd Gruffydd
RHEOLWR GYFARWYDDWR

